



Broj: 10/E-11-2538/26-2  
Sarajevo, ~~14-05-2026~~ . godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-150/26 od 06.03.2026. godine, (u daljem tekstu: Komisija II), u postupku javne nabavke korisničkog softvera, za LOT 2 - Microsoft, putem otvorenog postupka (Zapisnik o pregledu i ocjeni ponuda broj: 10/E-11-2538/26-2 od 7.5.2026. godine), Općinski načelnik donosi

### ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **DIGITARIJA d.o.o. Sarajevo**, ulica Zmaja od Bosne broj 14c, 71000 Sarajevo, broj: 0079/26 od 28.04.2026. godine, za nabavku korisničkog softvera, za **LOT 2 - Microsoft**, putem otvorenog postupka, po umanjenoj cijeni nakon provedene e-aukcije u ukupnom iznosu od 34.900,00 KM bez PDV-a, odnosno 40.833,00 KM sa PDV-om.
- II.** Izabrani ponuđač dužan je da, u roku od **5 (pet) dana** od dana prijema ove Odluke, na protokol Ugovornog organa dostavi dokaze o ličnoj sposobnosti iz tačke 7.1. i 7.1.2. tenderske dokumentacije, u skladu sa članom 45. Zakona o javnim nabavkama, u formi **originala ili ovjerenih kopija**.
- III.** Ugovorni organ će sa izabranim ponuđačem zaključiti ugovor kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### Obrazloženje

Postupak javne nabavke korisničkog softvera, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-1538/26 od 06.04.2026. godine, sa ukupnom procijenjenom vrijednošću 133.000,00 KM bez PDV-a.

Predmet nabavke je podijeljen na lotove, i to:

- LOT 1 – Autodesk
- LOT 2 – Microsoft
- LOT 3 – Adobe
- LOT 4 – Razni SW

Procijenjena vrijednost nabavke za LOT 2 – Microsoft bez uračunatog PDV-a iznosi 57.000,00 KM. Obavještenje o nabavci 848-1-1-64-3-103/26 objavljeno je dana 6.4.2026. godine na Portal javnih nabavki ([www.ejn.gov.ba](http://www.ejn.gov.ba)).

U krajnjem roku za predaju ponuda određen tenderskom dokumentacijom (29.4.2026. godine do 12:00 sati), na adresu Ugovornog organa primljene su tri ponude ponuđača: 1. LOGOSOFT d.o.o. Sarajevo; 2. DIGITARIJA d.o.o. Sarajevo i 3. MIBO Komunikacije d.o.o. Sarajevo. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitane su cijene ponuda, kako slijedi:

R/b	Ponudač	Ukupna cijena bez PDV-a	Popust
1.	LOGOSOFT d.o.o. Sarajevo	56.984,04	/
2.	DIGITARIJA d.o.o. Sarajevo	56.700,00	/
3.	MIBO Komunikacije d.o.o. Sarajevo	56.950,00	/

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača, Komisija II je, nakon izvršenog pregleda i analize dokumentacije svih dostavljenih ponuda, jednoglasno utvrdila da ponuđači 1. LOGOSOFT d.o.o. Sarajevo; 2. DIGITARIJA d.o.o. Sarajevo i 3. MIBO Komunikacije d.o.o. Sarajevo ispunjavaju sve formalno-pravne, ekonomsko-finansijske, te tehničke i profesionalne uslove propisane tenderskom dokumentacijom za LOT 2 - Microsoft.

Sve dostavljene ponude Komisija II je ocijenila kao prihvatljive u skladu sa članom 2. stav (1) tačka I) Zakona o javnim nabavkama.

Računskom provjerom ispravnosti ponuda ponuđača 1. LOGOSOFT d.o.o. Sarajevo; 2. DIGITARIJA d.o.o. Sarajevo i 3. MIBO Komunikacije d.o.o. Sarajevo, Komisija II je konstatovala da su podnesene ponude računski ispravne, da obuhvataju sve elemente i zahtjeve, te da su ukupne cijene ponuda sa PDV-om pravilno obračunate.

U daljem toku postupka Komisija II je izvršila analizu i ocjenu dostavljenih prihvatljivih ponude prema kriteriju za dodjelu ugovora.

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj 848-1-1-64-3-103/26 od 6.4.2026. godine. Komisija II jednoglasno utvrdila da su ispunjeni uslovi za zakazivanje e-aukcije u predmetnom postupku javne nabavke, za LOT 2 – Microsoft, prethodno ocijenivši da su ponuđači kvalifikovani, a dostavljene ponude formalno-pravno ispravne, potpune i prihvatljive.

E-aukcija je održana dana 7.5.2026. godine sa početkom u 12:00 sati. U periodu održavanja e-aukcije (od 12:00 do 13:48 sati) ponuđači su podnijeli ukupno 312 novih cijena, izmijenjenih naniže u odnosu na početne cijene primljenih ponuda.

Sistem e-Nabavke je dostavio Izvještaj o toku i završetku e-aukcije, broj postupka 848-1-1-64/26 od 7.5.2026. godine, za LOT 2 – Microsoft.

Na temelju rangiranja, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama i rezultatima provedene e-aukcije, Komisija II je utvrdila sljedeći poredak na rang listi:

RANG	Ponudač	Ukupna cijena bez PDV-a
1.	<b>DIGITARIJA d.o.o. Sarajevo</b>	<b>34.900,00</b>
2.	<b>LOGOSOFT d.o.o. Sarajevo</b>	<b>35.000,00</b>
3.	<b>MIBO Komunikacije d.o.o. Sarajevo</b>	<b>39.999,00</b>

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

## PREPORUKA O PRIHVATANJU PONUDE

Prvorangiranog ponuđača **DIGITARIJA d.o.o. Sarajevo**, ulica Zmaja od Bosne broj 14c, 71000 Sarajevo, broj: 0079/26 od 28.04.2026. godine, sa umanjenom cijenom nakon provedene e-aukcije u ukupnom iznosu od 34.900,00 KM bez PDV-a, odnosno 40.833,00 KM sa PDV-om, kao najpovoljnije za nabavku korisničkog softvera, za LOT 2 - Microsoft.

Sa izabranim ponuđačem zaključit će se Ugovor kojim će se detaljnije regulisati međusobna prava i obaveze ugovornih strana u skladu s tenderskom dokumentacijom i prihvaćenom ponudom.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH”, br. 39/14, 59/22 i 50/24).

Naknada za pokretanje žalbenog postupka iznosi 1.200,00 KM u skladu sa članom 108. stav (1) tačka b) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-2538/26-2 od 7.5.2026. godine



### Dostaviti:

1. Ponuđaču: LOGOSOFT d.o.o. Sarajevo  
ulica Grbavička broj 4, 71000 Sarajevo
2. Ponuđaču: DIGITARIJA d.o.o. Sarajevo  
ulica Zmaja od Bosne broj 14c, 71000 Sarajevo
3. Ponuđaču: MIBO Komunikacije d.o.o. Sarajevo  
ulica Tvornička broj 3, 71210 Ilidža - Sarajevo
4. Kabinetu općinskog načelnika – Odsjek za informatiku
5. Kabinetu općinskog načelnika – Odsjek za javne nabavke
6. Službi za finansije
7. U spis